

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA TATU**

**KIKAO CHA ISHIRINI NA MBILI**

**18 MEI, 2016**



# ORODHA YA SHUGHULI ZA LEO

## MKUTANO WA TATU

KIKAO CHA ISHIRINI NA MBILI – TAREHE 18 MEI, 2016

### I. HATI ZA KUWASILISHA MEZANI:

#### WAZIRI WA NISHATI NA MADINI:

Randama za Makadirio ya Mapato na Matumizi ya Wizara ya Nishati na Madini kwa Mwaka wa Fedha 2016/2017.

### II. MASWALI:

#### OFISI YA WAZIRI MKUU:

#### 184. MHESHIMIWA AMINA NASSOR MAKILAGI (VITI MAALUM):

Atamuuliza Mheshimiwa Waziri wa Nchi, Ofisi ya Waziri Mkuu (Sera, Bunge, Kazi, Ajira, Vijana na Watu Wenye Ulemavu):-

Je, Serikali ina mkakati gani wa kutumia rasilimali watu katika kukuza uchumi wa Taifa, hasa ikizingatiwa kuwa rasilimali hiyo ni muhimu sana katika kukuza uchumi wa Taifa.

## **OFISI YA RAIS (TAMISEMI):**

### **185. MHESHIMIWA BONIVENTURA DESTERY KISWAGA (MAGU):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kituo cha Afya Kisesa kiliombewa kibali ili kipandishwe hadhi kuwa Hospitali kamili:-

Je, ni lini Serikali itatoa kibali.

## **OFISI YA MAKAMU WA RAIS (MUUNGANO NA MAZINGIRA):**

### **186. MHESHIMIWA AHMED JUMA NGWALI (WAWI):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Tanzania iko kwenye mikataba mbalimbali na ushirikiano katika kukabiliana na athari za mabadiliko ya tabia nchi kama “*Green Climate Fund*” (GCF), “*Adaptation Fund*” (AF), “*Last Developed Fund*” (LDF), UNEP n.k:-

Je, Serikali imepokea fedha kiasi gani toka kwa wafadhili kusaidia kupunguza athari za mabadiliko ya tabia nchi tangu Mwaka 2010 hadi 2015.

## **WIZARA YA MAJI NA UMWAGILIAJI:**

### **187. MHESHIMIWA DKT. DALALY PETER KAFUMU (IGUNGA):**

Atamuuliza Mheshimiwa Waziri wa Maji na Umwagiliaji:- Mji wa Igunga unakabiliwa na tatizo kubwa la maji kutokana na kupanuka kwa kasi wakati miundombinu ya maji ni ile ile na pia imechakaa sana na haitoshelezi mahitaji ya maji kwa wakazi wake:-

Je, ni lini Serikali itawapatia wananchi wa Mji wa Igunga maji ya kutosha.

## **WIZARA YA MAMBO YA NJE, USHIRIKIANO WA AFRIKA MASHARIKI, KIKANDA NA KIMATAIFA:**

### **188. MHESHIMIWA MARGARET SIMWANZA SITTA (URAMBO):**

Atamuuliza Mheshimiwa Waziri wa Mambo ya Nje, Ushirikiano wa Afrika Mashariki, Kikanda na Kimataifa:-

Je, ni sababu zipi zinazoifanya Serikali yetu iridhike na utaratibu wenye usumbufu mkubwa unaowataka wakazi wa Tanzania wanaotaka kusafiri kwenda Uingereza watafute visa kupitia Kenya na Afrika Kusini.



## **WIZARA YA MAMBO YA NDANI YA NCHI:**

### **189. MHESHIMIWA FRANK GEORGE MWAKAJOKA (TUNDUMA):**

Atamuuliza Mheshimiwa Waziri wa Mambo ya Ndani ya Nchi:-

Je, ni lini Serikali itapeleka huduma ya zimamoto katika mpaka wa Tunduma ili kuokoa mali za wafanyabiashara wanaosubiri kuvuka pindi ajali ya moto inapotokea.

## **WIZARA YA MALIASILI NA UTALII:**

### **190. MHESHIMIWA ESTHER AMOS BULAYA (BUNDA MJINI):**

Atamuuliza Mheshimiwa Waziri wa Maliasili na Utalii:- Kumekuwepo na matukio ya mara kwa mara ya wananchi wa Vijiji vya Guta, Tairo, Nyamtwali na Njabeu kukamatwa na kuliwa na Mamba;- hadi swali hili linaandikwa jumla ya watu watatu (3) wameliwa na wengine kumi (10) wamejeruhiwa:-

Je, Serikali inajipangaje ili kuokoa maisha ya wananchi kutokana na hatari kubwa ya Mamba hao.

**191. MHESHIMIWA HASSAN SELEMAN KAUNJE  
(LINDI MJINI):**

Atamuuliza Mheshimiwa Waziri wa Maliasili na Utalii:- Ilani ya Chama cha Mapinduzi 2015 - 2020 imeeleza juu ya uendelezaji wa utalii kwa Ukanda wa Kusini kama Program Maalum:-

Je, ni lini Serikali imepanga kuanza mpango huo maalum.

**WIZARA YA NISHATI NA MADINI:**

**192. MHESHIMIWA FLATEI GREGORY MASSAY  
(MBULU VIJIJINI):**

Atamuuliza Mheshimiwa Waziri wa Nishati na Madini:-

Je, Serikali ina mpango gani wa kupeleka umeme katika maeneo ya Tarafa za Jimbo la Mbulu Vijijini za Manetadu, Tumati Arri, Masieda na Yayeda chini.

## **WIZARA YA UJENZI, UCHUKUZI NA MAWASILIANO:**

### **193. MHESHIMIWA JOSEPH GEORGE KAKUNDA (SIKONGE):**

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Ipole - Mpanda yenye urefu wa km 359 iliyoko kwenye mpango wa kujengwa kwa lami iko kwenye hali mbaya sana kutokana na kuharibiwa na mvua zinazoendelea kunyesha, maji yamejaa kuvuka barabara na maeneo mengine yanatitia kiasi kwamba mabasi ya abiria na magari ya mizigo yanapata shida kupita na wananchi wa Tabora, Sikonge na Katavi nao wanataabika sana na barabara hiyo:-


- (a) Je, Serikali inachukua hatua gani za dharura za muda mfupi kuwasaidia wananchi wa Tabora, Sikonge, Katavi na maeneo mengine wanaoathirika na tatizo hilo;
- (b) Je, Serikali haioni umuhimu wa kufanya mapitio ya haraka ya usanifu wa barabara hiyo ili kunyanyua zaidi tuta na kuongeza Madaraja na Makalvati ili kudhibiti maji ya mvua yasiharibu barabara mpya itakayojengwa;
- (c) Je, ni lini barabara hiyo itajengwa kwa lami na kukamilika.

### III. HOJA ZA SERIKALI:

#### WAZIRI WA UJENZI, UCHUKUZI NA MAWASILIANO:

Kwamba, Bunge sasa likubali kujadili na kupitisha Makadirio ya Mapato na Matumizi ya Wizara ya Ujenzi, Uchukuzi na Mawasiliano kwa Mwaka wa Fedha 2016/2017.

*(Majadiliano yanaendelea)*



**DODOMA**  
**18 MEI, 2016**

**DKT. T. D. KASHILILAH**  
**KATIBU WA BUNGE**